

Na osnovu člana 8. i člana 26. Zakona o javnim preduzećima u Federaciji Bosne i Hercegovine ("Službene novine Federacije BiH" broj 8/05, 81/08, 22/09 i 109/12), a u vezi sa članom 271. Zakona o privrednim društvima („Službene novine Federacije BiH“, broj: 80/15), člana 27. i 39. Statuta Javnog preduzeća „Tržnica“ d.o.o. Zenica broj: 02-01-5294/08 od 06.03.2008.g. i Odluke Nadzornog odbora broj: 571-5/20 od 21.02.2020.g., a po dobijenoj Saglasnosti Gradonačelnika u funkciji Skupštine preduzeća (br.:02-49-22297/19 od 07.10.2019.g.), raspisuje se

**KONKURS  
ZA IZBOR I IMENOVANJE PREDsjedNIKA I DVA ČLANA ODBORA ZA REVIZIJU  
JAVNOG PREDUZEĆA „TRŽNICA“ D.O.O. ZENICA**

1. Objavljuje se javni konkurs za izbor i imenovanje kandidata za predsjednika i dva člana Odbora za reviziju JP "Tržnica" d.o.o. Zenica.

**2. Opis pozicije**

Nadležnosti i odgovornosti Odbora za reviziju regulisane su Zakonom o javnim preduzećima, Zakonom o privrednim društvima i Statutom preduzeća, i to posebno da:

- imenuje vanjskog revizora, razmatra izvještaj vanjskog revizora i očituje se o datom mišljenju i eventualnim preporukama;
- razmotri godišnju studiju rizika i plan revizije u kojima su prikazane pojedinosti u pogledu rizičnih područja i revizija koje će se izvršiti, te osigurati da prijavljena pitanja budu bez odlaganja i na odgovarajući način korigovana;
- svakog mjeseca podnosi Nadzornom odboru sažete mjesečne izvještaje o svojim sastancima, te daje preporuke za provođenje mjera i aktivnosti na uklanjanju uočenih nepravilnosti;
- izvrši reviziju polugodišnjeg i godišnjeg izvještaja o poslovanju i finansijskog obračuna i istovremeno kontrolu usklađenosti poslovanja preduzeća i funkcioniranja organa preduzeća sa Zakonom o privrednim društvima i drugim relevantnim propisima i osnovnim principima korporativnog upravljanja i o tome sačini izvještaj koji dostavlja Nadzornom odboru i Skupštini preduzeća, najkasnije 8 dana po okončanju revizije;
- izrađuje pismeni izvještaj o izvršenoj reviziji godišnjeg plana poslovanja koji dostavlja Nadzornom odboru i Skupštini preduzeća;
- izradi mjesečni pregled podnesenih izvještaja Uprave o nabavci, te pismeno izvijesti Skupštinu ili drugo nadležno tijelo Preduzeća o bilo kakvom kršenju važećih propisa o javnim nabavkama;
- ovlašten je da zahtijeva sazivanje sjednice Nadzornog odbora i Skupštine kada utvrdi nepravilnosti u radu Uprave, predsjednika ili članova Nadzornog odbora;
- osigura da interne kontrole u preduzeću budu adekvatne i da funkcioniraju kako je predviđeno.
- daje mišljenje na prijedlog Uprave o načinu raspodjele dobiti odnosno pokrića gubitaka Nadzornom odboru;
- podnosi Skupštini izvještaj o radu;
- donosi Poslovnik o radu Odbora za reviziju;
- obavlja i druge poslove u skladu sa zakonom i Statutom preduzeća.

### **3. Izbor i imenovanje**

Izbor najkvalifikovanijih kandidata i predlaganje za njihovo imenovanje za predsjednika i članove Odbora za reviziju JP "Tržnica" d.o.o. Zenica, vrši Nadzorni odbor, većinom glasova, na osnovu provedenog javnog konkursa.

Imenovanje predsjednika i članova Odbora za reviziju JP "Tržnica" d.o.o. Zenica izvršit će Skupština Preduzeća.

### **4. Mandat**

Predsjednik i članovi Odbora za reviziju se imenuju na period od četiri (4) godine. Visina mjesečne novčane naknade iznosi 120,00 KM za Predsjednika i 100,00 KM za članove Odbora za reviziju (u neto iznosima s uračunatim porezom na dohodak).

Sa imenovanim članovima Odbora za reviziju, zaključuje se ugovor kojim se regulišu ovlaštenja, odgovornosti i visina naknade na osnovu odluke Skupštine preduzeća.

### **5. Uslovi i traženi dokumenti kojima se dokazuje ispunjenje uslova**

Kandidati moraju ispunjavati opće i posebne uslove koje dokazuju na način da uz potpisanu prijavu na konkurs (koja sadrži kraću biografiju, adresu i kontakt telefon) prilože traženu dokumentaciju u originalu ili ovjerenoj fotokopiji, a kako dalje slijedi:

#### **A) Opći uslovi**

1. da je državljanin Bosne i Hercegovine (priložiti dokaz: uvjerenje o državljanstvu, ukoliko na obrascu nema naznake da su bez roka važenja, isti ne može biti stariji od 6 mjeseci ili ovjerena fotokopija istog),
2. da je stariji od 18 godina (priložiti dokaz: Izvod iz matične knjige rođenih ili ovjerena fotokopija CIPS-ove lične karte)
3. da nije otpušten iz državne službe kao rezultat mjere na bilo kom nivou vlasti u BiH, u periodu od 3 (tri) godine prije dana objavljivanja ove upražnjene pozicije za kandidate koji rade ili su radili u državnoj službi (priložiti dokaz: potpisana izjava kandidata, ovjerena od strane nadležnog općinskog organa ili od strane notara, ne starija od 3 (tri) mjeseca),
4. da se na njega ne odnosi član IX 1 Ustava BiH (priložiti dokaz: potpisana izjava kandidata, ovjerena od strane nadležnog općinskog organa ili od strane notara, ne starija od 3 (tri) mjeseca),
5. da nije na funkciji u političkoj stranci u smislu odredbe člana 5. Zakona o ministarskim, vladinim i drugim imenovanjima (priložiti dokaz: potpisana izjava kandidata, ovjerena od strane nadležnog općinskog organa ili od strane notara, ne starija od 3 (tri) mjeseca),
6. da nije osuđivan za krivično djelo i za privredni prijestup nespojiv sa dužnošću člana (predsjednika i dva člana) Odbora za reviziju JP "Tržnica" d.o.o. Zenica, 5 (pet) godina od dana pravosnažnosti presude, isključujući vrijeme zatvorske kazne, prije dana objavljivanja upražnjene pozicije (priložiti dokaz: potpisana izjava kandidata, ovjerena od strane nadležnog općinskog organa ili od strane notara, ne starija od 3 (tri) mjeseca),
7. da se protiv njega ne vodi krivični postupak (priložiti dokaz: uvjerenje nadležnog suda, original, ne stariji od 3 (tri) mjeseca) ili ovjerena fotokopija ne starija od 3 (tri) mjeseca),

8. da nije lice kojem je pravosnažnom presudom Suda zabranjeno obavljanje aktivnosti iz nadležnosti Odbora za reviziju (priložiti dokaz : potpisana izjava kandidata, ovjerena od strane nadležnog općinskog organa ili od strane notara, ne starija od 3 (tri) mjeseca),

9. da nije izabrani zvaničnik, nosilac izvršnih funkcija u smislu Zakona o sukobu interesa u institucijama vlasti BiH i Zakona o sukobu interesa u organima vlasti F BiH (priložiti dokaz : potpisana izjava kandidata, ovjerena od strane nadležnog općinskog organa ili od strane notara, ne starija od 3 (tri) mjeseca),

10. da nije član Nadzornog odbora ili Uprave preduzeća , zaposlenik preduzeća , niti da ima direktni ili indirektni finansijski interes u JP „Tržnica“ d.o.o. Zenica u smislu člana 14. Zakona o javnim preduzećima (priložiti dokaz: potpisana izjava kandidata, ovjerena od strane nadležnog općinskog organa ili od strane notara, ne starija od 3 (tri) mjeseca).

## **B) Posebni uslovi**

### **-za predsjednika Odbora za reviziju:**

- da ima završenu visoku stručnu spremu (VSS)-završen ekonomski fakultet, smjer finansijsko-računovodstveni, stečenu po propisima koji su se primjenjivali prije donošenja Okvirnog zakona o visokom obrazovanju u BiH ili koja je stečena prema pomenutom Zakonu a vrednovana sa najmanje 240 ECTS bodova (priložiti dokaz: ovjerena fotokopija diplome o sticanju tražene VSS, ne starija od 3 (tri) mjeseca) ,
- da posjeduje Certifikat ovlaštenog revizora (priložiti dokaz: ovjerena fotokopija Certifikata ovlaštenog revizora, ne starija od tri (3) mjeseca).

### **-za člana Odbora za reviziju:**

- da ima visoku stručnu spremu (VSS)- završen ekonomski ili pravni fakultet, stečenu po propisima koji su se primjenjivali prije donošenja Okvirnog zakona o visokom obrazovanju u BiH ili koja je stečena u skladu sa pomenutim Zakonom a vrednovana sa najmanje 240 ECTS bodova (priložiti dokaz: ovjerena fotokopija diplome o sticanju tražene VSS, ne starija od 3 (tri) mjeseca).

### **-zajednički posebni uslovi za predsjednika i člana Odbora za reviziju**

- da ima najmanje 5 (pet) godina radnog iskustva u struci i spremi, tj. radnog iskustva na poslovima finansija, računovodstva ili privrednog prava u okviru visoke stručne spreme (priložiti dokaz: original ili ovjerena fotokopija potvrde/uvjerenja o radnom iskustvu na poslovima finansija, računovodstva ili poslovima privrednog prava u okviru visoke stručne spreme, izdato od poslodavca, ne starije od 3(tri) mjeseca).

## **C) Procjene kvalifikacije i iskustva kandidata**

Procjena kvalifikacije i iskustva kandidata izvršit će se na osnovu ostvarenog dojma o stručnosti i poznavanju radne problematike na usmenom intervjuu sa kandidatom.

Svi traženi dokumenti kojim se dokazuje ispunjenje općih i posebnih uslova neće se vraćati kandidatu.

Svi kandidati koji ispune formalno pravne uslove konkursa bit će pozvani na intervju u roku od **14 (četrnaest) dana** od dana isteka roka za podnošenje prijava . Podnosioci prijava sa kojima se ne stupi u kontakt u navedenom roku neće se uzeti u razmatranje u daljnjem toku postupka.

Pozvani kandidati koji ne pristupe na zakazani intervju, smatraće se da su odustali od konkursa.

Konkurs će biti objavljen u "Službenim novinama Federacije BiH", dnevnom listu „Oslobođenje“ i na web stranici JP "Tržnica" d.o.o. Zenica i ostaje otvoren 15 dana od dana posljednjeg objavljivanja.

Prijave sa traženim dokumentima treba dostaviti u zatvorenoj koverti, lično ili preporučeno poštom na adresu:

**JP "Tržnica " d.o.o. Zenica, ulica Maršala Tita 48, 72 000Zenica, sa naznakom :**

**"PRIJAVA NA KONKURS ZA IZBOR I PREDLAGANJE KANDIDATA ODBORA ZA  
REVIZIJU- NE OTVARATI !"**

Na poleđini koverte je obavezno naznačiti ime i prezime i adresu podnosioca prijave. Nepotpune i neblagovremene prijave neće se razmatrati.

Nadzorni odbor JP „Tržnica“ d.o.o. Zenica